

ЛИТУРГИЯ

1-й антифон:

БЛАГОСЛОВИ, ДУШЕ МОЯ, ГОСПОДА, Благословен еси, Господи.

Благослови, душе моя, Господа, и вся внутренняя моя, имя святое Его.

Благослови, душе моя, Господа, и не забывай всех воздаяний Его.

Очищающего вся беззакония твоя, исцеляющего вся недуги твоя.

Избавляющего от истления живот твой, венчающего тя милостию и щедротами.

Исполняющего во благих желание твое: обновится яко орля юность твоя.

Щедр и милостив Господь, долготерпелив и многомилостив.

Благослови, душе моя, Господа, и вся внутренняя моя, имя святое Его.

Благословен еси, Господи.

2-й антифон:

ХВАЛИ, ДУШЕ МОЯ, ГОСПОДА.

Восхваляю Господа в животе моем, пою Богу моему, дондеже есмь.

Не надеетесь на князи, на сыны человеческия, в них же несть спасения.

Изыдет дух его, и возвратится в землю свою: в той день погибнут вся помышления его.

Блажен, емуже Бог Иаковль помощник его, упование его на Господа Бога своего, сотворшаго небо и землю, море и вся, яже в них;

хранящаго истину в век, творящаго суд обидимым, дающаго пищу алчущим.

Господь решит окованныя; Господь умудряет слепцы;

Господь возводит низверженные; Господь любит праведники;

Господь хранит пришельцы, сира и вдову примет и путь грешных погубит.

Воцарится Господь во век. Бог твой, Сионе, в род и род.

ЕДИНОРОДНЫЙ СЫНЕ, и Слове Божий, безсмертен Сый, и изволивый спасения нашего ради воплотиться от святыя Богородицы и Приснодевы Марии, непреложно вочеловечивыйся, распныйся же Христе Боже, смертью смертью поправый, Един Сый Святыя Троицы, прославляемый Отцу и Святому Духу, спаси нас.

Блаженны:

ВО ЦАРСТВИИ ТВОЕМ ПОМЯНИ НАС, ГОСПОДИ, егда приидеши во Царствии Твоём.

Блажени нищии духом, яко тех есть Царство Небесное.

Блажени плачущии, яко тии утешатся.

Блажени кротцыи, яко тии наследят землю.

Блажени алчущии и жаждущии правды, яко тии насытятся.

Блажени милостивии, яко тии помиловани будут.

Блажени чистии сердцем, яко тии Бога узрят.

Блажени миротворцы, яко тии сынове Божии нарекутся.

Блажени изгнани правды ради, яко тех есть Царство Небесное.

Блажени есте, егда поносят вам, и изженут, и рекут всяк зол глагол, на вы лжуще Мене ради.

Радуйтесь и веселитесь, яко мзда ваша многа на небесех.

Во время малого входа с Евангелием:

ПРИИДИТЕ, ПОКЛОНИМСЯ и припадем ко Христу.

Спаси ны, Сыне Божий, воскресый из мертвых, поющая Ти: Аллилуия.

Не используйте листы с богослужебными текстами в хозяйственных нуждах.

Тропарь воскресный, глас 7:

РАЗРУШИЛ ЕСИ КРЕСТОМ ТВОИМ СМЕРТЬ,/ ОТВЕРЗЛ ЕСИ РАЗБОЙНИКУ РАЙ;/ МИРОНОСИЦАМ ПЛАЧ ПРЕЛОЖИЛ ЕСИ/ И АПОСТОЛОМ ПРОПОВЕДАТИ ПОВЕЛЕЛ ЕСИ,/ ЯКО ВОСКРЕСЛ ЕСИ, ХРИСТЕ БОЖЕ,/ ДАРУЯЙ МИРОВИ// ВЕЛИЮ МИЛОСТЬ.

Тропарь первомученика Стефана, глас 4:

ЦАРСКИМ ВЕНЦЕМ ВЕНЧАЯ/ ТВОЙ ВЕРХ ОТ СТРАДАНИЙ,/ ЯЖЕ ПРЕТЕРПЕЛ ЕСИ ПО ХРИСТЕ БОЖЕ,/ МУЧЕНИКОВ ПЕРВОСТРАДАЛЬЧЕ СТЕФАНЕ,/ ТЫ БО, ИУДЕЙСКОЕ ОБЛИЧИВЫЙ НЕИСТОВСТВО,/ ВИДЕЛ ЕСИ ТВОЕГО СПАСА ОДЕСНУЮ ОТЦА:// ТОГО УБО МОЛИ О ДУШАХ НАШИХ.

Кондак воскресный, глас 7:

НЕ КТОМУ ДЕРЖАВА СМЕРТНАЯ/ ВОЗМОЖЕТ ДЕРЖАТИ ЧЕЛОВЕКИ:/ ХРИСТОС БО СНИДЕ, СОКРУШАЯ И РАЗОРЯЯ СИЛЫ ЕЯ./ СВЯЗУЕМ БЫВАЕТ АД,/ ПРОРОЦЫ СОГЛАСНО РАДУЮТСЯ:/ ПРЕДСТА, ГЛАГОЛЮЩЕ, СПАС СУЩИМ В ВЕРЕ,// ИЗЫДИТЕ, ВЕРНИИ, В ВОСКРЕСЕНИЕ.

Кондак первомученика Стефана, глас 6:

ПЕРВЫЙ СЕЯЛСЯ ЕСИ НА ЗЕМЛИ НЕБЕСНЫМ ДЕЛАТЕЛЕМ,/ ВСЕХВАЛЬНЕ СТЕФАНЕ,/ ПЕРВЫЙ НА ЗЕМЛИ ЗА ХРИСТА КРОВЬ ИЗЛИЯЛ ЕСИ, БЛАЖЕННЕ,/ ПЕРВЫЙ ОТ НЕГО ПОБЕДЫ ВЕНЦЕМ УВЯЗЛСЯ ЕСИ НА НЕБЕСЕХ,/ СТРАДАЛЬЦЕВ НАЧАЛО,/ ВЕНЕЧНИЧЕ, МУЧЕНИКОВ ПЕРВОСТРАДАЛЬНЕ.

Кондак Богородицы, глас 6:

ПРЕДСТАТЕЛЬСТВО ХРИСТИАН НЕПОСТЫДНОЕ,/ ХОДАТАЙСТВО КО ТВОРЦУ НЕПРЕЛОЖНОЕ,/ НЕ ПРЕЗРИ ГРЕШНЫХ МОЛЕНИЙ ГЛАСЫ,/ НО ПРЕДВАРИ, ЯКО БЛАГАЯ,/ НА ПОМОЩЬ НАС, ВЕРНО ЗОВУЩИХ ТИ;/ УСКОРИ НА МОЛИТВУ И ПОТЩИСЯ НА УМОЛЕНИЕ,// ПРЕДСТАТЕЛЬСТВУЮЩИ ПРИСНО, БОГОРОДИЦЕ, ЧТУЩИХ ТЯ.

К КОРИНФИЯМ I ПОСЛАНИЕ АПОСТОЛА ПАВЛА (гл. 1:10-18) — перевод на русский язык:

Братия, умоляю вас именем Господа нашего Иисуса Христа, чтобы все вы говорили одно, и не было между вами разделений, но чтобы вы соединены были в одном духе и в одних мыслях. Ибо от домашних Хлоиных сделалось мне известным о вас, братия мои, что между вами есть споры. Я понимаю то, что у вас говорят: "я Павлов"; "я Аполлосов"; "я Кифин"; "а я Христов". Разве разделился Христос? Разве Павел распялся за вас? Или во имя Павла вы крестились? Благодарю Бога, что я никого из вас не крестил, кроме Криспа и Гаия, дабы не сказал кто, что я крестил в мое имя. Крестил я также Стефанов дом; а крестил ли еще кого, не знаю. Ибо Христос послал меня не крестить, а благовествовать, не в премудрости слова, чтобы не упразднить креста Христова. Ибо слово о кресте для погибающих юродство есть, а для нас, спасаемых, — сила Божия.

ЕВАНГЕЛИЕ ОТ МАТФЕЯ (глава 14:14-22)

В то время Иисус увидел множество людей и сжалился над ними, и исцелил больных их. Когда же настал вечер, приступили к Нему ученики Его и сказали: место здесь пустынное и время уже позднее; отпусти народ, чтобы они пошли в селения и купили себе пищи. Но Иисус сказал им: не нужно им идти, вы дайте им есть. Они же говорят Ему: у нас здесь только пять хлебов и две рыбы. Он сказал: принесите их Мне сюда. И велел народу возлечь на траву и, взяв пять хлебов и две рыбы, воззрел на небо, благословил и, преломив, дал хлебы ученикам, а ученики народу. И ели все и насытились; и набрали оставшихся кусков двенадцать коробов полных; а евших было около пяти тысяч человек, кроме женщин и детей. И тотчас понудил Иисус учеников Своих войти в лодку и отправиться прежде Его на другую сторону, пока Он отпустит народ.